

Inatsisartut suleriaasiat § 37 immikkoortoq 1 naapertorlugu matumuuna Naalakkersuisunut apeqqutit imaattut saqqummiuppakka:

- 1. Royal Arctic Line nassiussanik toqqaannarnerusumik apuussuilernissaannik naalakkersuisut pilersaaruteqarpat?**
- 2. Kiffartuussinissamut isumaqatigiissusiornermi imminut pilersornerup siuarsannissaanut assartuinikkut Naalakkersuisut qanoq pilersaaruteqarpat?**

(Karl-Kristian Kruse, Siumut)

Tunggavilersuut:

Kalaallit nunaanni inoqarfinniik inoqarfinnut assartuineri ullumikkut pisariuallaartumik eqqarsartaasera malillugu ingerlatsisoqarpoq. Assersuutigilara Ummannamiik Ilulissanut nassiussigaanni Nuummukaqqaarlutik avannaanut uteqqillutik aatsaat apuutissapput. Nuup umiarsualivia amigartoq oqallisaajuarpoq pisariaqanngittunik qaavatigut immeqqittaaginnarneqarsinnaanngilaq.

Imminut kalaallit pissarititaannik pilersorniarnermi kujataaniik avannaaniik kitaanilu assartuineri toqqaannarnerusumik kalaallit pisuussutaat kalaalimernit kalaallit naatittagaat nutaatillugit apuunneqarsinnaalertuuppata inuiaqatigiinni imminut pilersorniarnitsinni annertuumik iluaqutaallunilu siuariaataasussaammat. Taamaattumik assartuussinerup nunap iluani piaartumik nutaamik aaqqissuunneqartariaqartoq isumaqarlunga apeqquteqaasiorpunga.

Apeqquteqaatimma ullut suliffiusut qulit iluanni akineqareersimanissaat kissaatigaara.